

一
陽極聯彙輯

宋啟人撰

莆陽楹聯彙輯

楹聯之製甚古而其用最廣自朝廷典禮以至廟宇題柱士夫
投贈閭巷慶吊莫不有賴于是是固酬應之必需品也余少時
讀福州梁蔭鄰先生楹聯叢話而喜之因思吾莆以文獻名邦
前哲輩出著作如林獨楹聯未有成書課暇輒取志乘所載游
覽所記庭訓師訓所口授之本地聯句錄而藏之篋笥中得百
餘對今雖文體革新駢語將成廢物然其閒亦有關涉掌故贈
炙人口之作茲值興化文獻續刊特取出付印以為談故鄉文
獻者之一助中華民國卅八年六月十日幼石誌

[illegible]

太平社石刻楹句其一云九子成真先鯉涿八壺拱秀舊龍津不知為何人所作以其足備典故因錄存之相傳漢時只一古廟曰龍津其中井泉靈異胡道人修真於此何氏兄弟九真人未到九鯉湖往謁之飲之以泉眼盡開梁太平元年拓地鼎建因以太平名廟遂寢龍津之名宋元明歷有修建萬歷四十年尚書康大和家與顧氏捐募重修大和所立龍津廟匾今尚存

王湖陳氏宗祠楹句之一云一門二丞相九代八太師攷陳氏族譜其始祖贈太師沂國公仁二世祖贈太師蜀國公貴三世祖贈太師冀國公詵四世祖左丞相兼樞密院太師魏國公謚正獻俊卿五世祖贈太師永國公欽紹六世祖贈太師安國公衮七世祖贈太師榮國公棗八世祖狀元參知政事太師謚忠肅文龍俊卿文龍皆以宰相封太師贈其三代故蟬聯八代想製此聯者適為

炳

第九代故言九代也又一聯云文章魁天下節義愧當時攷文龍
淳化閒廷對第一兵敗被執見董文敏等不屈左右陵挫之文龍
指其腹曰此皆節義文章可相逼耶聯句可謂能道其實
宋熙甯丙辰徐鐸中狀元薛奕應武舉亦狀元故神宗詩云一方
文武魁天下四海英雄入彀中紹興戊午黃公度狀元陳俊卿榜
眼故當時旗句有云粉榆未五里魁亞占雙標
宋翁點肄業廣化寺夜醉擊寺鐘忽覩一人狀貌異常呵曰此豈
鐘鳴時也占曰汝謂我為誰其人曰能對吾一聯當語汝乃云折
破磊文三石獨點應曰分開出字兩山單其人額之曰正郎言訖
不見即寺青衣神也後果擢乾道第提點江東刑獄甯陽比事
宋左史林震號介翁長於集句所用詩凡三百八十家一日與客
飲視壁間有題陽關詞者客曰試用勸君更盡一杯酒以侑尊因

續曰與爾同流萬古愁宋揚州察推宋堂與蔡君謨為友君謨嘗
有贈句云堂中偕老百年婦膝下含飴五代孫蓋是時堂之父奇
評及其母皆九十五歲故云敷文閣待制棐堂之曾孫也錄縣誌
伊有人尹無人伊尹一人元宰馮二馬馴三馬馮訓五馬大夫相
傳為鄭山齋所作此必後人因對句擬起句不然何以出對者為
馮訓而姓名巧与之值如是

明朱繼祚字立望以協理詹事府禮部尚書還闕唐王立進東閣
大學士閩清題其柱云臣罪當誅生奚補死奚辭故國舊君安在
帝臨有赫身可灰家可燼周頑殷義若何

楚藩紀善吳騰氣韻冲和風致凝靜致仕歸惟杜門課孫讀書無
病而知逝期自挽句云老去竟何如重死夢中兩都賦生來只是
寄百年聯遺下片雲遂暝年九十六撫院徐學聚為建清朝瑞坊

史林公序

應為港頭

湘藩逸談。文虎賁博不群。其磊落英氣。至老不衰。春日自題于
堂云。扶杖思觀德。化成舜禹逢時為父老。新春欲問長生訣。商彭
笑我尚嬰孩。年九十四。
正統間。東鄉王常字大經。以御史言事左遷。知莆田縣事。政治嚴
明。嘗書楹聯云。牧民猶帶風霜。見者咸以為佳。其妻黎氏通書史
語。常曰。風霜御史職也。君今出牧。奈何尚嚴乎。請易猶帶二字。曰
無事。何如。常欣然遽改之。興化府誌。
黃後峰。華明正德中。以諫南巡。請誅江彬。下詔獄。廷杖。作為民當
其奉召為司馬。即自題行篋云。茅屋石田謀生太拙。鴟夷馬革自
許何愚。既入都。即以抗疏獲遣。聞行其志也。
新有社在涵江龍港。文丞相過涵江。訪鄭學士頤吉。會里人初建
社。公為大書新有社三字。屢經兵火。墨蹟猶新。明知縣雷應龍毀

淫祠時見公筆跡、委員重脩、仍整公所書匾懸挂社門、其牒略云、文山先生手書匾額、字法遒勁、朽壞之餘、生氣凜然、猶存、又題句云、學士早還山、不遠襟期來道故、孤臣經此地、至今手澤尚如新、蔡鴻遵、本莆田人、宋忠惠公後裔、明末遷吳中、自署門聯云、家藏東漢傳經字、世守西山講學編、又云、字體琴聲中、郎世業、茶箋、荔譜、學士家風、極聯叢話

興化府署有聯云、荔子甲天下、梅妃是部民、字極雄偉、為太守王光業所題、光緒中、葉劉國光守興、篆漆而新之、易以己名、今府署已廢、此聯亦不復見

浪湧海濱、東角築堤、遮浪、風吹石頂、西頭起寺、御風亭、寺名在西關外、此聯以莆田地名嵌入、極切合、極自然、惜不知為何人所作

所作

聯遺

明彭文

正居鄉值元

夕跳神神號童子者降僮跳跟至門彭

惠其誕謂之曰童子見門人惑不能對當毀此神即應聲曰鄉士

送庶民從彭大稱異至今元夕彭祠中特供童子香案

緣天偶筆

黃石陳公元中未第前秋夕與友人飲瓶罄矣而吾益豪欲謀沽

則所過路有奇鬼公元已醉鬼忽擯住曰半夜二更半能屬對當

讓路公元即應曰中秋八月中鬼遂滅今公元坊即建其地猶憶

老學菴筆記蔡攸以使相召至京道君賜宴戲之曰相公公相子

蓋時人謂公京相王黼媼相也攸即口對曰人主主人翁乃知奸

佞口才皆敏故能移宸意而蔽睿聰其人不倫而鄉則全對法則

一也

黃木軒視學江西得嚴嵩文大詫曰此人若際會風雲天下決裂

矣然一於不能各毋使人謂老眼有花錄之序更以對測之巔上

孤松春夏秋冬風是友介溪對曰海中小屿東西南北浪為仇
軒驚嘆

林總制富幼有夙慧之祿遇元夕立春天陰無月郡治排樂張燈
總制之祖與賓鄉飲郡守命攜孫來將請試之總制至黃堂見樂
部鼓戲擊一聲其祖怒止之郡守因出一對云元夕月無光點數
盞燈助嫦娥生色總制應聲曰立春雷未發擊一聲鼓代天帝宣
威郡守大驚顧座客曰是兒功名必出吾輩上

張崧齡少年就塾時適東廂龍坡鄭紳家演劇張狎觀少婦鄭家
奴將執而窘辱之主人知其才思命攜西廂戲聯佳則當免張題
云虎帳談兵鄭婦翻成張婦龍坡演劇東廂權作西廂主人縱之
去語人曰此生必當顯名然輕薄非大器後官止侍御史
神宇柱聯道是有才修者只問人之顯不顯不問句之工不工

少時見陳丹心貢士題梅峰關帝廟云、春秋日月心頭鏡、吳魏山
河眼底雲、林敦泉進士題文峰天后聯云、閨中再毓媯皇聖、海內
如歡大禹歆、今皆不見矣、所見輝煌金碧、皆寫作粗劣之妄人也、
郭蘭石題江口東嶽廟云、風雨八絃來日觀、壺華雙笏動天齊、句
雄傑而書法遒勁可寶也、

敦泉

林炳麟聯

句名重于鄉、鳳山寺萬壽經筵云、天子當陽百神

執玉聖人出世、千佛拈花其代邑、今供帳福康安使相云、吉甫萬
邦作憲、周公四國是皇、甚為福使相所賞、萬壽宮下元普度聯云、
萬石鐘撞天下聽、一輪月皎佛西來、晚題齋壁聯亦佳、餘不勝記、
翁竹坡聯亦可喜、題郡廟戲台云、出忠入孝扶名教、前舞後歌繪
太平、以上錄宋柘耕綴天偶筆、

莆人工楹聯者、在清中葉後、以林炳麟為最、作品亦多、茲就記憶

所及者錄之

福康安征台灣過莆行臺聯云吉甫萬邦作憲周公四國是皇福見之甚得意

元妙觀四官殿聯云神贊天地之化民非水火不生用成語嵌入天地水火四官亦堂皇亦自然

天后每次巡游必駐駕忠孝堂是夜林姓命婦俱來進香炳麟撰聯云采南瀾蘋蕒于宗室進東山酒酌彼我姑我姑二字巧極但彼字似乎失檢

赤桂林遇丙年必做大醮聯云人事綢繆宜未雨天心仁愛早還風立言極為得體

自挽云生何用讀如許書刺照聰明還造化老方知補少年過放開脚步見閻羅神志清明每字必經鍾鍊而出可以知其學養之

所至矣

明太祖御宇自製宮門聯云大明日月光天德洪武山河壯帝居
黃麟字伯厚佯狂踴倒上怒欲加刑伯厚奏曰此陳後主句天朝
效之不既羞乎上命易之遂占曰乾坤一統歸洪武日月雙輪照
大明上稱善太祖嚴刻不減漢武而伯厚滑稽倖免亦東方曼倩
之流也

明黃懋賓字君賜號七山築吟舫自題云酉山辰水浪迹百年莊
生云天地負我素琴濁酒寤言一室坡老曰風月閒人固放曠之
士也

黃鳴喬字啓融號友寰守袁州忤權貴罷歸自擬挽句云一官每
惹風波骨不媚人纔得早間十畝七蓑儘邀天貺生如作客何須
占住多年可謂洒然於生死窮通之際矣

鄭鵬自九萬號柳齋以議大禮杖三十以忤桂夢杖六十年未三十也歸里後授徒自給自書塾壁云希聖希賢作天下第一流人物維忠維孝扶世間億萬戴綱常可概見其志節矣

擢英書院朱子廳有聯云邑有人文莫道通經不易我非科甲深知為學之難語極蘊藉為縣令張均所撰張以捐納出身來攝莆篆初下車即注意於地方文化謂莆人久不發解乃建擢英書院聘名師籌膏火聚生徒講習其中落成時今日者陳名世擇上梁吉日約之曰三年內莆人有發解者則獎汝匾不驗則毀汝招牌世曰如約次年嘉慶乙巳邑人郭尚先中省元張喜以知幾其神匾獎名世

光緒中葉郡司馬楊萬清建棲沅所於小西湖之右岸以收容乞丐林勉階孝廉董其事題聯並書云祇可人容三兩敢云廈得萬

千當時士子謂寒士与乞丐同等有九儒十丐之嘲噴有煩言今乞丐已散處遺址又為礪青中學所收買聯亦不可復見

涂海屏山長住華園係康礪峰故宅廳事前有一古荔枝山長因種木筆一株於右集司聯云荔枝日啖三百顆木筆初開第一花江杏村侍御歸隱莆陽謝絕世事足不履城市袁世凱任總統授以二等嘉禾章不受自撰園門聯云園小庾子山栽花猶幸有餘地世無曹孟德種菜何須更閉門

北京莆陽新館在賈家胡同遇會試年北上公車咸寄寓焉光緒庚寅科會試涂海屏太史題館門聯云荔枝故鄉來舊雨杏花及

第報春風

林西園議長某歲在梅峰養病病愈題寺之拜亭聯云卧病聽山鐘愧我未能出帶去種梅繞佛座諸天曾為散花來

有以宣誦聖諭而得議叙六品官銜者周甲之歲劉芸閣賀以聯
云代聖人言如綸如綽從大夫後得壽得名七品以下皆封郎六
品始封奉直大夫故云

東黃黃姓正月十六日春祭典極隆重柱聯云白馬嘶風三十轡
朱門東燭一千家可想見當年之鼎盛

縣署左為誠應社門聯云燕子來迎社鳧仙在比鄰縣今日見仙
頗嫌強對

光緒季年縣學教官劉子才福州人係先考石壺公同年其署齋
貼一聯云天子命之教人才屬此官嵌子才教官四字於十言短
聯中可謂天造地設真不愧才子之稱近偶閱楹聯叢話乃知係
某名士任教官時所作然移之子才署中較為確切作者似為子
才代筆亦一奇也

直剝

正一口

康熙十八年用兵台灣官軍來往雜派不息運米運石夫役浩繁知縣石文宣攤派擾民貧賸已極太守卞永譽縱容之時有諺語云第一喜無糧米第二喜無妻兒第三喜能担一担赴府署大門貼一聯云卞知府橫也卜剝去地皮地骨音詔卜剝音同石邑侯至一口蠶盡民脂民膏又一聯云田有半絲都是累春無一日便為夫陳鴻甫變小東

江梅陽侍御於民國六年正月六日逝世太夫人年九十餘猶在堂莆各界在府學明倫堂開追悼會挽句甚多記有一聯云一疏留名東國寧辭沈陸責十年歸隱蓋棺未了養親心又一聯云朝局已非抗疏流傳天下泣人間何世東風歸去帝旁依
林岵瞻比部在京為其祖母請觴梁達辰章鉅長子贈聯云致歡久協曹全諺介福長酬令伯情皆切祖母說重親致歡用曹全碑